



梵網經菩薩戒本講義(二)

釋廣化謹述

講於南普陀佛學院

正釋經文

古德釋經，各抒己見，故藏經注疏，百家爭鳴，蔚為大觀。廣化自慚福薄慧淺，解此戒經，不敢妄陳愚見，以盲引盲，只得揀擇古德中，有修有證者所著之注疏，奉為圭臬，茲所採擷者有四：一、智者大師「梵網菩薩戒經義疏」，簡稱義疏。二、蓮池大師「梵網菩薩戒經義疏發隱」，簡稱發隱。三、藕益大師「梵網經合註」，簡稱合註。四、賢首國師「梵網經菩薩戒本疏」，簡稱戒疏。於此四家中，其意義簡明者，直接照抄照講，遇文字艱澀者，改用今時通俗語文，然仍存原意也。至於今時之風俗流弊，有干犯戒律，而古德注疏中，所未備說者，則按文義補入一二，名曰「附註」，以示別於古德之注疏。

此菩薩戒本是從大本梵網經節錄出來的單行本，大本梵網經有三百卷（一說為一百一十二卷）六十一品，此屬第十菩薩心地品。因為這是別出單行本，故無序正流通等三分；然就此戒本中，雖無序正流通之明文，却有序正流通之含義。即從經首至皆名第一清淨者為序分，佛告諸佛子言：「有十重波羅提木叉，至四十八輕戒末，現在諸菩薩今誦」為正宗分，其餘至卷末為流通分。

復次、序分有二節，舍那發起與釋迦勸發。正宗分亦有二節十條重戒及四十八輕戒。流通分亦有二節，正屬流通和結頌迴向。總之，此經大判三分，細科六節。

甲一，序分(二)

乙一，舍那發起(三)

丙一，舍說始授

我今盧舍那 方坐蓮華台 周匝千華上 復現千釋迦 一華百億國 一國一釋迦 各坐菩提樹 一時成佛道 如是百千億 盧舍那本身 千百億釋迦 各接微塵象 俱來至我所 聽我誦佛戒 甘露門則開

現時流通的菩薩戒本，經文的起端，頗多不同，見仁見智，各據一理，有的從「爾時盧舍那佛為此大眾，畧開法門中心地」開始，有的從「爾時釋迦牟尼佛，從初現蓮華台藏世界東方來入天王宮中」開始，亦有的從「我今盧舍那，方坐蓮華台」開始。可是大藏經中，古代大德注疏，凡是稱作菩薩戒經或戒本的注疏，如智者大師的「梵網菩薩戒經義疏」，以及賢首國師的「梵網經菩薩戒本疏」都是從「我今盧舍那」開始的。細究文義，若叫做「菩薩心地品注疏」自應以第一說為是。如果說是菩薩戒本的注疏，則應以「我今盧舍那」偈頌開始為當。再引用一個最好的依據，即是賢首國師的戒本疏中，有明文記載，謂羅什大師當時別錄自「我今盧舍那」偈頌以後所說戒條獨為一卷，名曰「梵網經盧舍那佛說菩薩十重四十八輕戒一卷」，按賢首國師距羅什大師住世時間，僅二百年，其記戒本起端之事，當非臆說，自可相信無疑也。因此我今講解此菩薩戒本採用第三種說法，首從「我今盧舍那」開始。以下正釋經文。發隱：「我今盧舍那，方坐蓮華台」，上句明舍那本身，屬

正報；下句明舍那本土，屬依報。佛的正報有四種說法：一、說佛是一身一法身。二、說佛有二身一眞身、應身、三、說佛有三身一法身、報身、應身，此即毗盧徧耀，正法爲身；舍那行滿，報果爲身；釋迦應迹，赴感爲身也。四、說佛有四身一法身、報身、應身、化身。這四種說法，將佛的應化身，說作二個身，謂現同始終曰應，無而忽有曰化。如釋尊當年應身受純陀供，化身受大眾供是也。「我今」之我，此我非凡夫我慢之我，乃八自在之我。八自在者，如涅槃經云：一、能示一身爲多身，二、示一塵身滿大千界，三、大身輕舉遠到，四、現無量類，常居一土，五、諸根互用，六、得一切法，如無法想，七、說一偈義，經無量劫，八、身遍諸處，猶如虛空。由此可見，佛雖自稱我，非凡夫情見我相之我也。盧舍那此云「淨滿」謂塵垢棄除清淨，功德修行圓滿，此是以名表德也。「方坐蓮華台」者，明依報也。方者正也，安住正法，故名坐也。何故坐蓮華台？因此世界形似蓮華，故云蓮華藏。蓮華之義，處污泥而不染，以喻舍那居穢土而不染也。藏者包含十方法界，悉在其中，表戒含萬法也。台以中位爲因而成華，表戒以中道爲體而成聖也。舍那本佛坐蓮華台，而爲諸佛之主，表戒法原於心地而爲衆德之本也。「周匝千華上，復現千釋迦」，這裏有兩重本迹，即舍那爲本，千釋迦爲迹；復以千釋迦爲本，百億釋迦爲迹。喻如國王爲本，百官爲迹；百官爲本，萬民爲迹也。（附註：這事若以現代的電視廣播節目作譬喻，比較容易明白。即以電視公司喻如舍那本佛，各轉播站，喻如千釋迦，而世界各地家家戶戶，電視機上所映現之影像，可喻爲百億釋迦也。）千華者，千葉蓮華也，葉字在此作花瓣的瓣字解。人道蓮華僅十餘葉（瓣），諸天蓮華百葉（瓣），佛菩薩坐的蓮華有千葉（瓣），故名千華台。或十葉，或百葉，或千葉，是依據功德大小而成。今者盧舍那佛坐的千葉蓮華台，每一蓮華瓣上，現一尊釋迦佛，和一個佛世界，此千葉蓮華台，即爲千佛淨土。「一華百億國，一國一釋迦。」一華即一葉華瓣，不是一個蓮華。這是指那千葉蓮華上的每一個佛世界，各

各復現百億國土，每一國土，皆有一尊釋迦佛示現。「各坐菩提樹，一時成佛道。」這是說：本佛迹佛，不分前後，一時成佛，即表示體用無二也。「如是千百億，盧舍那本身，」上句指迹身，下句即本身，意謂千百億釋迦迹身，皆以盧舍那爲本。（附註：迹身和本身的關係，若用現代電視廣播節目來作譬喻，少有幾分相像，即在電視公司裏的演員，有如本身佛，而百千億個電視機上映現的演員影像，可譬作迹身佛，是故雖名本身迹身，原出自演員一身，儘管世界各地的電視機，有百千萬億個，顯現於各地人士眼前的身像，有百千萬億之多，而演員的本身，原是一個。迹身對本身說，隨緣不變，本身對迹身說，不變隨緣。亦是如此。）「千百億釋迦，各接微塵衆，俱來至我所，」此有能接所接，能接之人，是自覺已圓，力能覺他之釋迦；所接者，是與佛法有緣的衆生。所接之人以微塵數計算，是說所接引之衆生甚多也。至我所者，來到舍那如來的千華台聽誦戒也。「聽我誦佛戒，甘露門則開。」誦佛戒者，此戒是十方三世諸佛之戒法，非是我（舍那）自己所創造的，故祇能稱誦，不得稱說。說是創陳已見，誦者誦讀前人之言，猶述而不作之意也。三界大師躬親誦戒，其餘的人更應當誦。甘露是古時長生不老之藥名，飲了能令人健康長壽。此處借喻受持菩薩戒者，得至常樂我淨的涅槃妙境。門以通達爲義，教能通理，此喻誦戒持戒，便能通達涅槃妙境也。

丙二，釋迦轉授

是時千百億 還至本道場 各坐菩提樹 誦我本戒師 十重四十八
戒如明日月 亦如瓔珞珠 微塵菩薩衆 由是成正覺 是盧舍那誦 我亦如是誦 汝新學菩薩 頂戴受持戒 受持是戒已 轉授諸衆生

合註：偈頌從頭到此，說了四個戒：一舍那戒，二釋迦戒，三菩薩戒，四衆生戒。舍那爲本，傳授釋迦爲迹；釋迦得此戒，復授諸菩薩；諸菩薩得此戒，復傳授凡夫衆生也。「是時千百億，還至本道場，各坐菩提樹，誦我本師戒」此四句序釋迦傳授緣由。本師，指舍那也。千百億釋迦，各還本處，傳誦本

師戒，則本佛爲迹佛之師，以迹誦本故也。「十重四十八」者，此句總攝全部的戒法，爲奉持的要義，即戒法之體。此序釋迦傳授諸菩薩。「戒如明月，亦如瓔珞珠」此譬喻戒法之妙用。義疏：謂持此戒，能除罪霧，譬之如日。使得清涼，譬之如月。富有善法，如瓔珞珠。又日能生萬物，戒亦能長萬善。又如瓔珞能除貧窮，戒亦能除衆生功德之貧，長養法財。又日月麗天，無不瞻仰；持戒在體，無不皈依。瓔珞在身，威嚴第一；持戒在身，威嚴第一。「微塵菩薩衆，由是成正覺」此是正明戒法之妙用。發隱：微塵菩薩由受此戒而成佛，況凡夫乎！此隱含勸受勸持之意。「是盧舍那誦，我亦如是誦」既已勸受持此戒，有發心受持者，例須傳授。誰是能授人？舍那自誦，我亦隨誦，況諸菩薩，此即能授之人也。如人渡海，必假舟航，若渡生死，要因於戒也。「汝新學菩薩，頂戴受持戒」此即所受人。始聞戒者，皆名新學，上言微塵菩薩由是成佛，則新學自當修學無疑也。舍那、釋迦，佛佛自頌，其餘的人自不待言。「受持是戒已，轉授諸衆生。」此勸菩薩轉授諸衆生。具體言之，則三十心菩薩轉授外凡十信位；十信位轉授發大心者，推而極之，先受戒者轉授未聞，則次第無盡也。

丙三、勸信受持

諦聽我正誦 佛法中戒藏 波羅提木叉 大眾心諦信 汝是當成佛 我是已成佛 常作如是信 戒品已具足 一切有心者 皆應攝佛戒 衆生受佛戒 卽入諸佛位 位同大覺已 眞是諸佛子 大眾皆恭敬 至心聽我誦

發隱：「諦聽我正誦，佛法中戒藏，波羅提木叉」此謂今茲戒本，是佛法中戒，簡異外道之戒也。外道鷄狗等戒，非戒作戒，徒苦無益。而佛教波羅提木叉戒，有因有果——淨戒爲因，木叉（解脫）爲果。波羅提木叉是梵語，此云保解脫，保衛三業得解脫也。又譯別解脫，持一事得一解脫，別別不同，故名別解脫。「大眾心諦信，汝是當成佛，我是已成佛，常作如是信，戒品已具足。」此是勸人諦信。所以者何？信爲入道初門。如華嚴經云：「信爲道源功德母。」我持此戒，已得成佛

，汝等亦應爾。故知諸佛已成，衆生當成，則生佛畢竟非殊，持戒定可作佛，當諦信如是事，勿懷疑也。能諦信則戒已具足者，一念信心萬惑俱遣，防非止惡，盡在於斯，何待遮難重詢，羯磨三舉，樂後爲戒乎？小乘佛唱善來比丘，卽成沙門，正此意也。是故放下屠刀，立地成佛，爲有信故。毀誓常不輕者，千劫淪落，爲無信故。信爲入道之門，豈虛語哉。「一切有心者，皆應攝佛戒，衆生受佛戒，卽入諸佛位，位同大覺已，眞是諸佛子。」此是諦信之後，勸受持是戒。所謂一切有心者，皆應攝受此佛戒；簡別木石無心，則凡六道含靈皆應攝受此戒。攝者納義，外聞內納，永持勿失也。問：佛位至遠，云何受戒卽入佛位？答：此戒是千佛相傳心地，佛佛由此成佛，受佛戒者，豈不卽入佛位耶！本戒經云：「一切衆生皆有佛性。」有佛性者，皆可成佛。而衆生尙未成佛者，爲未受戒故也。涅槃經云：「一切衆生，雖有佛性，要因持戒，而後乃見。」可知此戒是成佛正因，受持卽入佛位也。問：位既同佛，何不名佛，而稱佛子？答：位雖同佛，功德未圓，如太子決當正位，今在東宮，爲灌頂王子也，名爲王子，必紹王位；名爲佛子，必紹佛位，寓意良深。「大能皆恭敬，至心聽我誦。」此是結勸恭聽我佛誦戒。發隱：佛自尊重戒，故勸大眾至心聽。今我等誦戒於千載之下，豈可不對佛面，如聞佛語乎！

附註：諸經發起因緣，各有不同，此經舍那自唱「我今盧舍那」作發起，卽屬無問自說。與阿彌陀經等同一例。

乙二、釋迦勸發

丙一、經家敘事

爾時釋迦牟尼佛，初坐菩提樹下，成無上正覺，初結菩薩波羅提木叉。孝順父母師僧三寶，孝順至道之法，孝名爲戒，亦名制止。此段經文，是結集戒經者敘述佛陀將欲結戒之辭。合註：「爾時」卽佛將欲結戒之時也。「釋迦牟尼佛」標化主名，「初坐菩提樹下」記結戒之所也。菩提樹梵音原爲貝多羅樹，此譯爲道樹。發隱：「成無上正覺已」此明得成無上正徧知。法無有差曰正，智無不周曰徧，破生死大夢曰覺，合稱爲正徧覺，

今日正覺者，正中自具正偏二義。無上者，此覺雖象生同具，未至於佛，猶爲有上；成妙覺已，智盡獨尊，曰無上也。合註：「初結菩薩波羅提木叉，孝順父母師僧三寶，孝順至道之法，孝名爲戒，亦名制止。」此出戒法。標出此戒之名爲菩薩波羅提木叉，簡異非聲聞戒也。初結菩薩波羅提木叉者，顯示在菩提樹下成道不久，卽制此戒，非待他時，正所謂先務之急也。初結木叉，頓制五十八事，不同聲聞隨犯隨結者，理論關機宜，事論有三義：一、大士深信，頓聞不逆。二、大士不恆待左右，不得隨事隨白，三、舍那爲妙海王子授菩薩戒，卽頓說此五十八條，古制應爾也。

合註：又聲聞戒是隨事隨結，皆悉集十句義，今菩薩戒一時頓制，亦應戒具足十義，經雖無明文，理當如此也。茲畧出名相，俾知利益。一、攝取於僧。謂制此輕重諸戒，攝受衆生，令歸大乘僧寶數中，令取大乘僧寶果位。二、令僧歡喜。謂由攝取力故，能令大地菩薩，歡喜暢悅。三、令僧安樂。謂由禁戒力故，能令菩薩種族利益增長，得安樂住。四、未信者令生信，謂由禁戒力故，性遮清淨，發起一切衆生正信之心。五、已信者令增長，謂由清淨律儀，能令久淹佛法者，益其堅固，不退悔故。六、難調者令調順。謂一類僞名菩薩，及一類雖發大心，煩惱習氣強者，今以重輕諸戒調之，懺悔呵責，令不敢違法律故。七、慚愧者得安樂。謂由調順諸難調者，則慚愧僧，不受擾亂，得安樂故。八、斷現在有漏，謂制止三業十支，令不漏落業煩惱故。九、斷未來有漏。謂永斷漏種，不以染污心受生死故。十、正法得久住。謂由大乘僧寶種姓不斷，建立弘通正法輪故。

孝順父母師僧三寶者，戒相雖多，以孝順兩字攝盡，故總提孝順兩字，以爲其宗。父母生我色身，依之修道；師僧生我戒身，由之成佛；三寶生我慧命，成就菩提，故須一一孝順也。爾雅（儒書）以善事父母爲孝，大史叔明（人名）以順釋孝，謂孝卽是順。孝順父母有三差別：一者冬溫夏清，晨昏定省，奉安無方，服勞靡間。二者立身行道，不辱所生。三者善巧方

便，喻親於道。孝順師僧，亦應准此。師僧者，獨指授戒之和尙、闍黎等三師。其餘僧衆自屬三寶中攝。孝順三寶亦有三義：一者供養承事，不厭疲勞。二者如法修行，不污法化。三者革弊防非，弘通建立。若約法門解者，方便爲父，智度爲母，不離深義以爲和尙，自心覺悟名佛，自心理體名法，理智一如名僧。如理作意觀察名孝，如理證入無背名順也。由斯事理二種孝順，決至無上大菩提，故云至道之法，孝卽名爲戒，亦卽名爲制止，以孝則自不作惡故也。

佛卽口放無量光明，是時百萬億大衆，諸菩薩、十八梵天、六欲天子、十六大國王、合掌至心，聽佛誦一切諸佛大乘戒。

合註：「佛卽口放無量光明」者，放光表瑞也，欲說大事，故放瑞光，廣召有緣，同來聽也。「口放」者，一表此戒金口敷揚，二表受者從佛口生。「是時百萬億大衆，諸菩薩、十八梵天、六欲天子、十六大國王，合掌至心，聽佛誦一切諸佛大乘戒。」此謂大衆願聞誦戒。百萬億大衆者，總叙有緣同集之衆數也。諸菩薩別指三十心及十地等果位人，十八梵天別指色界十八天，雖凡聖不同，皆離欲穢，得清淨定，故名梵天。六欲天子，別指欲界六天，此六欲天，雖尙有男女五欲，而果報自然，不假營求，故皆名天。十六大國王者，古時印度的國家甚多，舉其大者有十六國：1、史伽，2、摩竭提，3、迦尸，4、拘薩羅，5、跋祇，6、末羅，7、支提，8、跋沙，9、尼樓，10、槃闍羅，11、阿濕波，12、婆蹉，13、蘇羅，14、乾陀，15、劍浮沙，16、阿槃提。此等人天大衆，一時雲集。合掌者身業肅恭，至心者意業專精，聽者口業寂靜，攝耳諦聽。三業肅敬，聽佛誦此大乘戒也。

丙二、釋迦自說

佛告諸菩薩言：我今半月半月，自誦諸佛法戒，汝等一切發心菩薩乃至十發趣，十長養，十金剛，十地諸菩薩亦誦。

合註：此是佛舉我（佛）自半月半月誦戒，亦勸人誦，爲萬世誦戒立法之始。半月半月者，白月十五日（望日）與黑月三十日（晦日）也。白表智德漸滿，黑表斷德漸盡。故於此二日，

誦持戒法，名爲布薩，梵語正音爲布薩陀（一作褒灑陀），其義爲長淨，謂誦戒能長養善法，淨除不善也。每月二次誦戒，恐遺忘也。佛尚自誦，何況餘人！

義疏：勸人誦中，凡舉五位人：1、發心，2、十發趣，3、十長養，4、十金剛，5、十地等。畧釋名義如下：第一，發心菩薩，又名共地菩薩，謂十信發心與佛共地也。（其十發趣、十長養、十金剛、分初中後，名三十心。）第二、十發趣，名初十心，約當餘經之十住位。1、捨心，2、戒心，3、忍心，4、進心，5、定心，6、慧心，7、願心，8、護心，9、喜心，10、頂心。第三、十長養，又名中十心，約當餘經之十行位。1、慈心，2、悲心，3、喜心，4、捨心，5、施心，6、好說心，7、益心，8、同心，9、定心，10、慧心。第四、十金剛又名後十心，約當餘經之十迴向位。1、信心，2、念心，3、迴向心，4、達心，5、圓心，6、不退心，7、大乘心，8、無相心，9、慧心，10、不壞心。第五、十地，自平等地至入佛界地，即餘經之歡喜地至法雲地也。1、體性平等地，2、體性方便地，3、體性光明地，4、體性爾炎地，5、體性慧照地，6、體性華光地，7、體性滿足地，8、體性佛吼地，9、體性華嚴地，10、體性入佛界地。此梵網經的三十及十地名與其他經少有不同，其義則一也。是故戒光從口出，有緣非無因故光，光非青黃赤白黑，非色非心，非有非無，非因果法，是諸佛之本源，行菩薩道之根本，是大象諸佛子之根本。

合註：此明放光因緣，此光明即表無作戒體，而無作戒體，全以性德爲其本因，故非無因；既是全性所起，即復全體是性，是故非青非黃，乃至非因果法。所謂「非青黃等色，非分別識」，即不墮凡愚妄情境界也。「非有非無」，不墮邪見斷常果也。「非因果法」，不墮權小有修有證果也。不墮此等諸果，乃是法身妙果。既是法身妙果，亦即成佛真因，故諸佛菩薩，大眾佛子，皆以此爲本源。義疏：是「諸佛之本源」，「菩薩之根本」，「大眾之根本」者，表行因也。或言表真俗兩

諦。發隱：諸佛正徧知海，汪洋無盡，此心地戒爲之本源，菩薩萬行開敷，成就妙果，此心地戒爲之根本，一切衆生，生生不窮，乃至後當作佛者，亦此心地戒爲之根本也。徹聖通凡，咸因此戒，戒因清淨，淨極光通，有自來矣。或言表真俗二諦者，佛是出世間法，真諦也。衆生是世間法，俗諦也。菩薩上趣聖果，下順凡情，真俗雙顯也。

是故大眾諸佛子，應受持，應讀誦，應善學。佛子諦聽！若受佛戒者，國王、王子、百官、宰相、比丘、比丘尼、十八梵天、六欲天子、庶民、黃門、姪男、姪女、奴婢、八部鬼神、金剛神、畜生、乃至變化人，但解法師語，盡受得戒，皆名第一清淨者。

發隱：此是勸大眾習學，領納不拒名受，堅持不忘名持，口演其文爲讀誦，躬行其事爲善學。聞而不受，則聽不關心；受而不持，則領已還失；持而不誦，則守愚不諳其詳；誦而不學，則空言終何所益！功貴兼全，故有四勸也。黃門者，古代皇宮內宦之通稱，此借喻生、健、變、妒、半等五種不男也。合註：八部鬼神有二解，或云：1、天，2、龍，3、夜叉，4、乾闥婆，5、阿修羅，6、迦樓羅，7、緊那羅，8、摩睺羅伽等。或云：四天王各領二部，東方持國天王領乾闥婆及毘舍闍，南方增長天王領鳩槃荼及薛荔多，西方廣目天王領龍及富單那多，北方多聞天王領夜叉及羅刹。金剛神亦名執金剛神，亦名金剛力士，有大威力，持金剛杵，隨侍諸佛，能捍外魔，護持佛法者也。變化人謂天龍等變作人形。許解法師語者便得受戒；揀去不解語者，不解則不能發菩提心以爲勝因，故須揀之，不揀種類，以其同具佛性故也。能則盡受得戒，揀不能者，雖受亦不得也。未受戒前，容有淨穢差別不等，一受此戒，盡成最上法器，故得「皆名第一清淨者」也。發隱：問：聲聞戒重難輕遮，稽防嚴格，菩薩戒姪賤鬼畜，容納無遺，豈小果乃皆良器，大士反雜非人耶？答：聲聞乘佛雜染，若不揀擇非器，惟恐有損正法。菩薩專主利生，若不兼容象類，便是化度有限了。但普中亦自有別，後四十八輕戒中詳辨。

以上序分竟